

PELANCARAN PORTAL WEB & LATIHAN INDUSTRI SEKOLAH SAINS DAN TEKNOLOGI

Oleh DR. SAZMAL EFFENDI ARSHAD

Majlis Pelancaran Portal Web dan Latihan Industri SST telah berlangsung pada 23 Mac 2009. Pelancaran portal telah disempurnakan oleh Dekan Sekolah Sains dan Teknologi (SST) iaitu Prof. Dr Mohd Harun Abdullah. Kehadiran Timbalan-timbalan Dekan SST dan juga para pensyarah dan staf telah memeriahkan lagi suasana majlis. Di dalam ucapan Dekan SST semasa pelancaran tersebut, beliau mengharapkan dengan kewujudan portal web SST yang baru ini dapat memberikan maklumat yang sistematik dan juga efektif untuk para-para pelajar SST di dalam hal-hal berkaitan dengan sekolah. Para pengunjung web SST dan termasuk bakal pelajar dapat melihat gambaran sebenar dan mendapat maklumat yang tepat mengenai SST secara khususnya, serta Universiti Malaysia Sabah secara amnya. Beliau juga mengucapkan tahniah kepada ahli jawatankuasa yang terlibat di dalam pembentukan Portal Web dan Latihan Industri SST yang diketuai oleh Prof. Madya Dr. Jualang Azlan Gansau. Dengan pelancaran Portal Web SST ini, ia menunjukkan komitmen SST sebagai sebuah sekolah yang berteraskan sains dan teknologi amat menitikberatkan aspek teknologi maklumat di dalam pentadbiran sekolah. Komponen yang terpenting di dalam Portal SST ini adalah aplikasi Latihan Industri. Pelajar-pelajar yang akan menjalani latihan industri pada semester 1 2009/2010 ini akan menggunakan aplikasi tersebut di dalam membuat permohonan Latihan Industri melalui pantauan pentadbiran sekolah di atas talian. Sistem aplikasi Latihan Industri di atas talian ini akan mengurangkan masalah-masalah yang sedang dihadapi oleh pelajar, sekolah dan juga majikan berbanding sistem manual yang dijalankan sebelum ini. Sekolah Sains dan Teknologi adalah perintis di dalam menjalankan pengurusan Latihan Industri secara atas talian di Universiti Malaysia Sabah. **Syabas SST!**

The screenshot shows the homepage of the School of Science & Technology website. At the top, there is a navigation bar with links for Home, About SST, Academic, Research & Publication, Postgraduate, Lecturer, and Download. Below the navigation bar is a large image of the university building. To the right of the image, there is a "News & Events" section with several items listed. Further down, there are sections for International Affairs, Research & Publication, and Student Activities. A sidebar on the left contains links for About SST, Academic, Postgraduate, and Student Activities. At the bottom, there is a footer with copyright information and links to various social media platforms.



Pelancaran Portal Web dan Latihan Industri SST
oleh Dekan Prof. Dr. Mohd Harun Abdullah